



OPĆINSKI NAČELNIK

Broj: 01-19-68-15/24

Ustikolina: 14.02.2024. godine

Na osnovu člana 70. stav 1. Zakona o javnim nabavkama („Službeni glasnik BiH”, broj 39/14, 59/22), a u skladu sa članom 37. Statuta Općine Foča („Službene novine BPK-a Goražde“ broj: 8/08, 11/08, 16/13 i 7/20), a na osnovu preporuke Komisije za javne nabavke broj: 01-19-68-14/24 od 08.02.2024. godine, u postupku javne nabavke radova Povećanje energetske učinkovitosti dijela sistema javne rasvjete u naselju Filipovići, Načelnik Općine Foča **donosi**:

ODLUKU **o izboru najpovoljnijeg ponuđača**

Član 1.

Prihvata se preporuka Komisije za javne nabavke broj: 01-19-68-14/24 i ugovor za javnu nabavku radova Povećanje energetske učinkovitosti dijela sistema javne rasvjete u naselju Filipovići, dodjeljuje se ponuđaču „Energomatika“ d.o.o. Foča, za ponuđenu cijenu od 14.900,00 KM bez uračunatog PDV-a kao najbolje ocjenjenom ponuđaču.

Član 2.

Prijedlog ugovora o nabavci dostavit će se na potpis izabranom ponuđaču Energomatika d.o.o. Foča, i to nakon isteka roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.

Član 3.

Za izvršenje ove odluke zadužuje se Služba za prostorno uređenje, komunalne, geodetske, katastarske i stambene poslove, imovinsko-pravna pitanja, boračko- invalidsku zaštitu.

Član 4.

Ova odluka objavit će se na web-stranici Općine Foča istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-19-68-1/24 od 16.01.2024. godine. Javna nabavka je provedena putem konkurentskog zahtjeva. Procijenjena vrijednost javne nabavke bez PDV-a je 18.740,00 KM. Obavijest o nabavci broj: 1359-7-3-4-3-1/24 poslata je na objavu dana 17.01.2024. godine i istog dana je objavljena na Portalu javnih nabavki, istovremeno je objavljena i tenderska dokumentacija u sistemu e-nabavke. Sažetak obavještenja o nabavci objavljen je u Službenom glasniku BiH broj: 5/24 dana 19.01.2024. godine. Komisija za javnu nabavku imenovana je Rješenjem broj: 01-11-1467/22 od dana 22.11.2022. godine. Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 02.02.2024. godine do 12³⁰ sati, te je izvršeno javno otvaranje ponuda u 13⁰⁰ sati, što je konstatovano Zapisnikom sa otvaranja ponuda od 02.02.2024. godine. Zapisnik sa otvaranja ponuda isti je dan poslat ponuđačima elektronskom poštom. Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve ugovornog organa u Tenderskoj dokumentaciji broj: 01-19-68-2/24 od 16.01.2024. godine, odnosno pregledu ponuda u skladu sa

procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima. Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljeno 5 (pet) ponuda i to:

R.b	Naziv i sjedište ponuđača	Cijena bez PDV-a	Ponuđeni popust	Ukupna cijena sa popustom (bez PDV-a)
1.	Elektrocentar Petek d.o.o. Tuzla	18.600,00 KM	-	18.600,00 KM
2.	Energomatika d.o.o Foča	18.740,00 KM	-	18.740,00 KM
3.	Nexen d.o.o. Banja Luka	18.740,00 KM	-	18.740,00 KM
4.	Siming Trade d.o.o. Foča	18.700,00 KM	-	18.700,00 KM
5.	Spotlight d.o.o. Sarajevo	18.760,00 KM	-	18.760,00 KM

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Spotlight" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

Tačkom 4.1. TD je propisano da ispravke u ponudi moraju biti izrađene na način da su vidljive. Ispravke moraju biti potvrđene potpisom ponuđača, uz navođenje datuma ispravke, što u ovom slučaju nije urađeno.

Naime, u ponudi ponuđača "Spotlight" d.o.o. Sarajevo (strana 4. Ponude) vršena je ispravka bez navođenja datuma ispravke niti je potvrđena potpisom ponuđača.

U skladu sa članom 18. stav 1. Uputstva za pripremu modela tenderske dokumentacije i ponuda ("Službeni glasnik BiH", broj 90/14 i 20/15) navodi se da je ponuđač dužan da pazi da ispravka bude vidljiva, potvrđena potpisom ponuđača i sa datumom izvršene ispravke.

Komisija za javne nabavke je utvrdila da je ponuda ponuđača "Spotlight" d.o.o. Sarajevo postupio suprotno odredbi člana 18. stav 1. Uputstva za pripremu modela tenderske dokumentacije i ponuda, te je stoga predmetna ponuda kao takva neprihvatljiva za ugovorni organ.

Nadalje Komisija je utvrdila da ponuda ponuđača „Spotlight“ d.o.o. Sarajevo ne ispunjava kvalifikacione uslove u pogledu tehničke i profesionalne sposobnosti te kao takva ocjenjena neprihvatljivom za ugovorni organ, naime ponuđač je dostavio Spisak uredno izvršenih ugovora gdje je naveo jedan ugovor iz kojeg je vidljivo da su upitanju radovi koji su izvedeni u unutrašnjosti objekta, što je u suprotnosti sa tačkom 3.4. tenderske dokumentacije gdje je traženo spisak izvršenih ugovora koji obuhvataju radove koji su predmet javne nabavke (izvođenje radova na izgradnji/sanaciji/rekonstrukciji mreže javne rasvjete, ugradnji/zamjeni rasvjetnih tijela).

Nadalje ponuđač nije dostavio Potvrdu o uredno izvršenom ugovoru, već Izjavu o uredno izvršenom ugovoru i kopiju e-maila kojim se obraća Ugovornom organu sa zahtjevom za izdavanje potvrde o uredno izvršenom ugovoru. Tačkom 3.4. b) navedeno je „U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi Izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju“. Komisija je konstatovala da je ponuđač na Spisku o uredno izvršenom ugovoru i Izjavi o uredno izvršenom Ugovoru realizovao ugovor sa Ugovornim organom te je u skladu sa time trebao da dostavi potvrdu o uredno izvršenom ugovoru izdatu od ugovornog organa.

Detaljnim postupkom pregleda i ocjena ponuda, Komisija za javne nabavke je utvrdila da Ponude ponuđača:

- Elektrocentar Petek d.o.o. Tuzla
- Energomatika d.o.o Foča
- Nexen d.o.o. Banja Luka
- Siming Trade d.o.o. Foča

su prihvatljive jer ispunjavaju formalno pravne uslove i kvalifikacione uslove (lična sposobnost, sposobnost za obavljanje profesionalne djelatnosti te tehničke i profesionalne sposobnosti) zahtjevano tenderskom dokumentacijom. Komisija za javne nabavke je zakalazala e-aukciju za ponuđače: Elektrocentar Petek d.o.o. Tuzla, Energomatika d.o.o Foča, Nexen d.o.o. Banja Luka, Siming Trade

d.o.o. Foča, koje su unesene u sistem e-nabavki i zakazana je e-aukcija, koja je održana dana 08.02.2024. godine s početkom u 11²⁰ sati i koja je trajala do 11:34 sati. Ugovorni organ je zaprimio Izvještaj o toku i završetku e-aukcije, shodno kojom je ponuđač Energomatika d.o.o. Foča ponudio najnižu cijenu koja iznosi 14.900,00 KM bez PDV-a.

Komisija za javne nabavke je sačinila sljedeću rang listu prihvatljivih ponuda prema kriteriju za izbor ponude (najniža cijena) nakon provedene e-aukcije kako slijedi:

R.b.	Naziv ponuđača	Konačna cijena ponude u KM bez PDV-a	Procentualno umanjeње cijene nakon provedene e-aukcije
1.	Energomatika d.o.o.	14.900,00	20,49 %
2.	Siming Trade d.o.o.	14.950,00	20,05 %
3.	Nexen d.o.o.	18.555,00	0,99 %
4.	Elektrocentar Petek d.o.o.	18.600,00	0 %

Iz navedenih razloga, a primjenom člana 64. stav 1. tačka b) Zakona o javnim nabavkama BiH („Službeni glasnik BiH“ broj: 39/14 i 59/22), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača „Energomatika,, d.o.o. Foča za izvođenje radova povećanje energetske učinkovitosti dijela sistema javne rasvjete u naselju Filipovići, kao prvoplasiranom na Rang listi, sa ponuđenom ukupnom cijenom u iznosu od 14.900,00 KM bez PDV-a.

U postupku donošenja ove odluke, posebno su ocijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog organa nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Uvidom u priloženu dokumentaciju, nesporno je da je ponuda ponuđača „Energomatika“ d.o.o. Foča najbolje ocijenjena ponuda prema kriteriju najniže cijene.

Na osnovu naprijed navedenog odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi BiH putem ugovornog organa u pisanoj formi u najmanje 3 (tri) primjerka, u roku od 5 (pet) dana od dana prijema ove odluke.

DOSTAVLJENO:

1. „Energomatika“ d.o.o. Foča
2. „Siming Trade d.o.o.“ d.o.o. Foča
3. „Nexen“ d.o.o. Banja Luka
4. „Elektrocentar Petek“ d.o.o. Tuzla
5. „Spotlight“ d.o.o. Sarajevo
6. Evidenciji
7. a/a

